



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
Stručna služba Općine



Tel: 032 650 022     [www.opcina-tesanj.ba](http://www.opcina-tesanj.ba)  
032 650 075     E-mail: [optesanj@bih.net.ba](mailto:optesanj@bih.net.ba)  
Fax: 032 650 220     [ferid.mustafic@opcina-tesanj.ba](mailto:ferid.mustafic@opcina-tesanj.ba)

Trg Alije Izetbegovića 11,  
74260 Tešanj

Datum: 19.07.2011.

**OPĆINSKI NAČELNIK**  
**-O v d j e-**

**PREDMET:** Zapisnik sa sastanka interne Komisije za reviziju rada Komisije za razmatranje prigovora na Preliminarnu listu po Oglasu za dodjelu sredstava na ime rješavanje stambenog zbrinjavanja branilaca i članova njihovih porodica, dostavlja se-

Dana 18.07.2011, u 11 h, održan je radni sastanak interne Komisije. Sastanku su prisustovali: Predsjednica Komisije Arijana Brkić i član Adisa Kokić. Treći član Komisije gosp. Munevera Alić je bila odsutna iz privatnih razloga. Sastanku je doprinijela i gosp. Nerminka Handžić sa obrazloženjima određenih odluka i zakona, te Nedžad Unkić.

Na početku sastanka, Komisija je preuzela svih 58 prigovora za dodjelu sredstava na ime rješavanje stambenog zbrinjavanja branilaca i članova njihovih porodica, i uvidjela da je od ukupnog broja prigovora, njih **9 UVAŽENO**, te su isti uvršteni na Preliminarnu listu za dodjelu sredstava.

Predsjednica Brkić zajedno sa članom Komisije Kokić je predložila da reviziju započnu sa navedenim UVAŽENIM prigovorima. Navedeni zahtjevi su od: **Muje Hujdura, Vahidina Hajrića, Ibri Bukvića, Omera Artukovića, Mesuda Hajdića, Muhameda Pilava, Sabahudina Salkića, Zeira Huskića i Mate Sučića.**

Nakon provjere, Komisija je zaključila da su prigovori osnovani i da je odluka primarne Komisije da iste uvrsti na Rang listu u vezi : Muje Hujdura, Vahidina Hajrića, Mesuda Hajdića i Muhameda Pilava.

Komisija je imala određene nejasnoće u vezi zahtjeva i prigovora Ibri Bukvića, Omera Artukovića, Zeira Huskića i Mate Sučića. Naime, zahtjevi od zadnja dva lica nisu sadržavali listu dobodovanja, zbog čega je Komisija imala nejasnoća. Međutim, nakon detaljne revizije i razgovora sa gosp. Handžić, konstatovano je da Zeir Huskić nema dobodovanje jer je ušao automatizmom na listu ( 70% RVI), a za Matu Sučića je napravljeno dobodovanje odmah nakon konstatacije.

Takođe, Komisija je imala nejasnoća u vezi bodovanja Ibri Bukvića i Omera Artukovića, konkretno u vezi bodovanja stambene situacije i učešća u OS. Nakon detaljnog pregleda zahtjeva, kao i obrazloženja gosp. Handžić, utvrđeno je da je prigovor Ibri Bukvića osnovan, a slučaj Omera Artukovića je ocijenjen kao specifičan. Naime, po uredbi njegov zahtjev nije osnovan, ali je prvobitna Komisija odgovorila pozitivno na osnovu zdravstvenih prilika unutar porodice Artuković, te imenovanog stavila na Preliminarnu listu. (Dijete sa lakšim stepenom retardacije nalaz ljekara).

Nakon detaljnog pregleda svih 9 pozitivno riješenih zahtjeva po prigovoru, članice Komisije su započele pregled preostalih **49** zahtjeva koji nisu uvaženi od strane prvobitne Komisije. Utvrđeno je da su se najčešći razlozi odbijanja zahtjeva ticali kršenja kriterija konkursa, kao što je: Ispunjavanje minimalnih uslova za život (regulisano zakonom); skorije ili trenutno primanje sredstava iz budžeta Općine, Kantona ili Federacije ili nekih drugih donatorskih sredstava u iznosu većem od 3000 KM; i neispunjavanje uslova za status branioca ili pripadnika Oružanih snaga. Nakon pregleda svih 49 zahtjeva, u vezi 10 zahtjeva Komisija je imala nejasnoća, te tražila objašnjenja od službe za boračka pitanja, dok je ostatak, tj. 39 zahtjeva ocijenjeno u smislu Kriterija Ministarstva pravovaljano obrađeno.

Komisija je detaljno proučila 10 preostalih zahtjeva u kojima su uočene nejasnoće i saslušala pojašnjenja nadležnih u službi za boračka pitanja. Nakon detaljne analize zahtjeva, dokumentacije i objašnjenja utvrđeno je da je prvobitna Komisija donijela pravovaljane odluke u navedenim slučajevima.

Komisija je Rješenjem Općinskog načelnika obavezana da putem slučajnog uzorka provjeri nekoliko prijava, i to najmanje 5 uzoraka koji se nalaze među prvih 50 kandidata na rang listi. Komisija je i tom pogledu ispunila svoju zadatu obavezu i napravila slučajni odabir od 5 uzoraka sa navedene liste, za koji je bilo neophodno provjeriti kompletnu dokumentaciju.

Služba za boračka pitanja je obavijestila da je moguće dobiti neophodnu dokumentaciju kad god to Komisija bude nalagala. Komisija je navela da će provjeru izvršiti 19.07.2011 u 11h, te da se nada da će tada nadležna služba biti u mogućnosti da omogući i priloži potrebnu dokumentaciju za 5 slučajno odabranih uzoraka.

U 14,30 h, prvog dana, Komisija je završila svoj sastanak.

Dana **19.07.2011** u 11h, interna Komisija je započela detaljnu analizu **5** nasumično odabranih uzoraka sa rang liste, i to **redni broj 18** na rang listi: **Fadila Galijašević- Sadiković, br.43: Zijad Vrabac, br. 47 : Jasmin Danović, br.11: Ema Kotorić i br. 22: Ferzada Silajdžić.** Uočeno je da su 3 od 5 uzoraka postavljeni na rang listu principom automatizma.

Naime, redni brojevi **18, 11, i 22** dolaze iz porodice poginulog borca (**PPB**), te zbog toga stiču pravo automatskog rangiranja na Preliminarnoj listi. Komisija je izvršila analizu dokumentacije ova 3 uzorka i ustanovila validnost.

Pri analizi preostala 2 uzorka, Komisija je uvidjela da je Zijad Vrabac 30% RVI i da na osnovu priložene dokumentacije ima pravo rangiranja na listi za dobivanje sredstava. Takođe, analiza zahtjeva i dokumentacije Jasmina Danovića, pokazuje da je Danović demobilisani borac (DB) i da njegova priložena dokumentacija zadovoljava kriterije i uslove rang liste.

**ZAKLJUČAK:** Nakon detaljnog uvida u rad prvobitne Komisije za dodjelu sredstava borcima i njihovima porodicama, interna Komisija je zaključila da su donešene odluke Komisije pravovaljane i u skladu sa Kriterijima i Instrukcijom Ministarstva.

**Arijana Brkić**\_\_\_\_\_

**Adisa Kokić**\_\_\_\_\_